

# ЛЕНИНЭНЬ КИЯВА

ВЛКСМ-нь Мокшэрзянь обкомонь ды Саранскоень ошонь комитетэнь газетаст

СЕНТЯБРЯНЬ

20 ч,  
1935 ие

№ 101 (450)

ЛКСР: 5-11. 19  
ЧАНЬ 10781

**ВКП(б)-нь ЦК-ас—  
народонь вождентень—  
СТАЛИН ялгантень**

**ВЕСЕ ТРУДИЦЯТНЕНЬ ПЕК  
МУДРОЙ ВОЖДЕСЬ ДЫ ОЯСЬ,  
СТАЛИН ЯЛГАЙ!**

Весе пингем перть мон арсинь  
эсинь труднэсэ коть аламодо  
шаштомс икелев человечестванть.  
Революциядо икеле монь арсемась  
төвсэ эзь ютастов. Ансяк Октяб-  
рясь ловизе эряиксэкс самоуч-  
канть трудонзо; **АНСЯК СОВЕТ-  
СКОЙ ВЛАСТЕСЬ ДЫ ЛЕНИНЭНЬ—  
СТАЛИНЭНЬ ПАРТИЯСЬ** манссть  
монень алкунсонь лэзкс. Мон мария  
народонть вечнеманзо ды тө мо-  
нень манссь виף роботамс сэрвөд-  
стэнгон. Но орм сь монень а ман-  
сы прядомс ушодозь төвенть.

Авиациянь, ракетоплаваниень ды  
планетатнень ютисо сообщениянь  
коряс весе трудом манссынь боль-  
шевикнень партиятнень ды советской  
властентень—ломанень культурань  
прогрессанть алкунсонь ветият-  
ненень. Кеман, што сынь успеш-  
нойстэ прядсызь нать труднэнь.  
Весе ойдем ды мьсыям марто  
тынк, мөөльсь садейшкань поздо-  
ров марто пачк тынк.

Н. ЦИОЛКОВСКИЙ.

1935 иень сентябрь 13-це ч.

**НАУКАНЬ ЗНАМЕНИТОЙ ДЕЯТЕ-  
ЛЕНТЕНЬ К. Э. ЦИОЛКОВСКОЙ  
ЯЛГАНТЕНЬ**

Примак монь благо-  
дарностем сермат кисэ,  
кона пешксе кемемасо  
большевикнень партиян-  
тень ды Советской вла-  
стентень.

Арсян тетть шумбра  
чи ды икеле пелевгак  
плодотворнойстэ робо-  
тамс. трудиятнень  
пользас.

Сювордаса кедеть.  
**И. СТАЛИН.**

**Москов, СТАЛИН  
ялгантень**

Тоназан тонь лөмбө телеграммасот.  
Арсян, што течи мон а нулан. Кеман,  
содаса, што Советской дирижаблэ-  
нь кармить сех вадрят весемастор-  
лангсо—нучан благодарность тетть **СТА-  
ЛИН** ялгай, арась мера благодарность.  
Н. ЦИОЛКОВСКИЙ.

**Эрва школьникенть кармить уleme вадря тетрадензэ,  
карандашонзо, перанзо**

*Месть эсь постановлениясост мерсть правительствась ды партиясь  
школатненень сермадомань принадлежностьнеде*

Сентябрянь 14-це чистэнь  
ВКП(б)-нь ЦК-ась ды СССР-энь  
Совнаркомось тейсть постановле-  
ния школосо сермадомань принад-  
лежностьнеде

**Тетрадьтне—ансяк  
вадря коневсто**

1936 иестэнь школьниктнэнь  
улить нолдазь 1 миллиард 323  
миллионть тетрадьт вадря коневсто,  
конатась пачк а нолды чернила,  
тетридьтнэс карми уleme паро,  
кеме лангакс. Сех пек вадря ко-  
невсто улить теэзь 70 миллионть  
тетрадьт специально сермадомань  
коряс зянятия-ь кис. Эрва тетрадь-  
стэнь школьниксэ муи промөка-  
тельной конев.

Тетрадьтне кармить уleme аволь  
ансяк вейке кикс (линейка) марто,  
но истя жо кавто линейке марто  
истя жо сетка, клетка марто, чирь  
кикс марто.

Тетрадьтнень эчкест карми уleme  
эрва кодамс: 24 страницат, 48  
страницат ды 96 страницат.

Тетрадьтнеде башка, 1936 иес-  
тэнь улить нолдазь ламо учени-  
ческой дневникт ды классной жур-  
налт. истя жо вадря коневсто.

**Вадря ды мазый  
карандаш**

Весе эйкакштнэнь кежест сав-  
нить берянь карандашнэ. Кармат  
сермадомо истямо карандашсо—  
сон разди коневонть. Кармат уря-  
дамонзо—сон памори. Партиясь ды  
правительствась мерсть, штобу  
икеле пелев истят карандашт а  
нолдтнемс. Ней школатненень кара-  
ндашт кармить тееме вадря гра-  
фитстэ, эрва кодамс кеме-чи марто.

Тешкстэзь карандашонь колмо  
сортт: 1-це, 2-це ды 3-це № №.  
Сынст эйсэ чувтоськак карми уле-  
ме вадря. Карандашнэ кармить  
уleme мазыйть, парсте теэзь, ды  
сынст эйсэ паро ули сермадомс  
как. 1936 иестэнь истят каран-  
дашт улить нолдазь 285 миллионть  
штукат.

**Перась а карми  
коневонть раздеме**

Зяро а паро тейнить школьни-  
кентень берянь ператне! Ней а  
кармить уleme истят перат. Мас-  
торсонок сех вадря заводтнэ кар-  
мить нолдамо специальной сталь-  
ной лента перань теемань кис.

Партиясь ды правительствась  
эсть мере нолдтнемс школьниктнэ-  
нень вишине перат. А кармить  
больше нолдтнемс 86-це № перат,  
конатнеде пек мольсь тонавтниця-  
нень мелест. Од ператне кармить  
уleme нормальной размерень, шли-  
фовазь эли керязь пе марто. Истя-  
мо перась парсте карми сермадомо  
ды валанясто моли коневонть ланга  
450 миллионть ученической перат  
улить нолдазь 1936 иестэнь.

**Машинка марто ручкат**

Школьниксэ может эстензэ ра-  
мамс ашо жестьстэ теэзь, машин-  
ка марто ручка. Сон, кода, каран-  
дашоськак, мазыйстэ ули теэзь.  
Истят ручкатне сатыть весеменень,  
сөкс, што сынст эйстэ нолдыть 25  
миллиондо аволь седе аламо.

Паро коневонть ды паро пе-  
ранть эряви эшо паро чернила.  
Партиясь ды правительствась те-  
нь кисэяк мелявтеть. Чернилань теиця  
заводтнэнь мерезь, штобу сын-  
теевельть эйстэст паро материалсто.

Улить нолдазь 50 миллионть чер-  
нильной таблеткат ды 800 тоннат  
чернила флаконсо. Улить нолдазь  
ламо раужо чернилат. Чернилань  
тееманть кис ули рамазь лия мас-  
торсто специальной материал—кам-  
неш.

Паро резинкак шождине ули  
рамамс. Резиновой заводтнэ 1936  
иестэнь нолдыть 30 миллионть  
чевте резинкат.

Заводтнэнь ды фабрикатне-  
нень истяжо мерезь аноктамс са-  
тышка грифельной ласт ды гри-  
фельт, пеналт, чернильницат, ка-  
рандашонь човамонь кис машин-  
кат, ученической портфельт, ра-  
нецт, сумкат, книгань кантлемань  
кшнань каркст ды лият.

**Весе кармить микшне-  
ме олясо**

Ученической весе принадлеж-  
ностьтнень кармить олясомикшнэме,  
весе оштнэза, поселкасо, эрва  
кува, косо улить магазинт. Октяб-  
рянь 1-це чистэнь неть принад-  
лежностьтнень келейстэ кармить  
микшнэме покш оштнэсэ. 1936  
иень январень 1-нь чистэнь жо—  
эрва косо. Весе кармить уleme  
аволь пынтей. Питнетне улить  
вейкедть весе масторонтень.

Тетрадьтнеяк, карандашнэяк,  
ручкатнеяк, ператцеяк, чернилат-  
неяк, ранецтнэяк, весе лия при-  
надлежностьнеяк улест теэзь ансяк  
паро материалсто. Берянь тетра-  
денть эли берянь карандашонтъ  
кис кармить пек кизямоство отве-  
чамо сынст теиця фабрикань ди-  
ректортнэ. Магазинтнэнь пек ке-  
местэ мерезь а микшнэме берянь  
качествань ученической принадлеж-  
ностть. („П. П.“).

**„Легкой кавалериятнень“ руководствадост ды роботадост**

**ВЛКСМ-нь ЦК-нтъ постановлениязо**

Харьковсо ды Курскойсэ „легкой  
кавалериятнень“ роботаост прове-  
рязь, конань ютавызе ВЛКСМ-нь  
ЦК-сь, истяжо ламо комсомольской  
лия организациятнень материалост  
коряс аравтозъ, што комсомолонь  
комитетнэ пек лавшомгавтызь „лег-  
кой кавалериянь“ группатнень лан-  
гсо руководстванть, активной ламо  
роботниктнэнь жо эрить теветень  
вредной „теорияст“, „што комсо-  
молонь роботанть одкс тееманть  
ютавомсто „легкой кавалериясь“  
юмавтсы эсинзэ значениянзо“.

Неть аволь виде настроенятне  
ветизь ламо организациятнэсэ „лег-  
кой кавалериянь“ группатнень ро-  
ботаост овсикс лоткавомо: кавале-  
ристнэ атак кочксе, атак кемекста  
ВЛКСМ-нь райкомонь ды горко-  
монь бюротнэсэ, тосо жо, косо  
улить „Л. К.-нь“ бригадат, сын-  
сеедьстэ тейнекшныть аволь эсис-  
тевест, уставазь роботанть а пряд-  
дыть маштомань пөс.

**ВЛКСМ-нь ЦК-сь предлагает:**

1. Комсомолонь весе организа-  
циятнэнь атак учтне примамс  
практической мерат, конатне лез-

дыть „легкой кавалериятнень“ вос-  
становлениядо ВКП(б)-нь XVII-це  
с'ездэнь решениянть топавамсто.

2. Первичной организациятнэсэ  
„легкой кавалериянь“ группатне  
ды производственно-отраслевой  
бригадатне, конатне т е е з т ь  
ВЛКСМ-нь горкомтнэсэ ды райком-  
тнэсэ, эсисст главной задачкас дол-  
жны аравтомс: од ломаньтнэнь ют-  
ксо воспитательной роботань па-  
ролгавтомсто комсомольской орга-  
низациятнэнь лездемо, добувамс  
сень, штобу улест паро состояни-  
со клубтнэ, театратне, библиоте-  
катне, ловнома кудотне, кинотеат-  
ратне, улезь паро торговля, культ  
ды спортивентарень парсте теема,  
книжной торговля, эйкакшонь яс-  
лятнэнь, садтнэнь, эйкакшонь ку-  
дотнэнь школатнэнь, больниця-  
нэнь паролгавтома ды лият.

Те значит, што „легкой кавале-  
ристнэ“ должны ветямс решитель-  
ной бороцямс бюрократизманть  
көршо, маштомс рабочейтнэнь,  
колхозниктнэнь ды трудиятне-  
нэнь аволь внимательной ды аволь  
чуткой отношениятнэнь.

Теке марто ВЛКСМ-нь ЦК-сь  
толкови, што весе те а беряньгав-  
сы, но мекев лангк, паролгавтсы  
„легкой кавалериятнень“ роботаост  
государственной ды торгово-коопе-  
ративной аппаратнэсэ косностень,  
бюрократизманть көршо бороцам-  
сто, советской законтнэнь а топа-  
вомсто.

3. Меремс комсомолонь комитет-  
нэнь персонально кочкамс „лег-  
кой кавалерист“ ВЛКСМ-нь актив-  
ной члентнэстэ ды аволь союзной  
икелев молиця од ломаньстэ. Ке-  
мекстамс эрва кавалеристэнтэ  
ГК-нь, РК-нь бюросо ды первичной  
организациянь комсомолонь коми-  
тетсэ. Ванномс эрва бригаданть  
ды „ЛК-нь“ группатнэнь робота-  
монь планост. Организовамс кавале-  
ристнэнь тонавтнема, тенень  
сехте паро специалистэнь вийт-  
нэнь таргазь.

4. Кавто кождо мейле ВЛКСМ-нь  
ЦК-со кулсономс Харьковской ды  
Курской ВЛКСМ-нь ГК-тнэнь док-  
ладост те решениянть топавамодо



## Призывдэ приказось яволявтозь

Якстере армияв 1913 иестэ ша-  
чозьтень призывдэнтэ Мокшэр  
зянь республиканской Военкома-  
тонть приказось кучтнезь таркава.  
Призывесь ушодови сентябрьнэ  
25-це чистэнтэ валске марто 8 час-  
сто.

Призывной пункт кармить уле-  
ме Саранскойсэ, Рузаевкасо, Крас-  
нослободскойсэ, Ардатовасо, Тем-  
никовасо, Ромодановасо, Ичал-  
касо, Инсарсо, Ковылкинасo, Тор-  
беевасо, З. Полянасо, Атяшевасо,  
Чамзинкасо, Дубенкасо. Теньгу-  
шевасо ды Ельниксэ. Лямбирень  
районось ули кемекстазь Ромода-  
новань призывной пунктонтень,  
Кочкуровань районось—Саранско-  
енсентень, Б. Березникень райо-  
носэ—Ардатованьсентень, Ст. Шай-  
говань районось—Рузаевкансен-  
тень, Кадошкинань районось—Ин-  
саронсентень. Рыбинской райо-  
носэ—Краснослободской—призыв-  
ной пунктонтень.

Приказсонть мерезь, што при-  
зывентень эрва велестэнтэ, сов-  
хозстонть, МТС-стэнтэ, предпри-  
ятиястонть весе вейсэ организо-  
ваннойсэ вельсоветэнь председа-  
телентэ эли трехугольникень пред-  
ставитель марто. Эрва партор-  
ганизациясь марто кучозо полит-  
сопровождающей.

Призывдэнтэ приказонь педяв-  
немадонть башка, райисполкомтне-  
нень (ошонь советизнень) эрви  
кучомс эрва до призывникентень  
повестка, коо улеэз евтазь, зяр-  
до ды ков сон должен молемс.

Вельсоветэнь председателтне-  
нень, предприятиянь, совхозонь,  
МТС-энь директортнэнь, учреж-  
дениянь ды организациянь руко-  
водительтнэнь эрви проверямс  
призывниктнэнь повесткаст ды те-  
емс истя, штобу призывниктнэ  
шкастонзо молевельть призывной  
пунктов.

Призывниктнэнь пунктов мо-  
лемадо икеле эрви: нарамс, бри-  
тямс эсь пряст, шлямс банясо, ор-  
шамс ванькс понкс-панарт, саемс  
документ.

Озеров.

## Комсоргтнэнь праваст калавтомадо ВЛКСМ-нь ЦК-нтэ постановлениязо

Школатнесэ ВЛКСМ-нь ЦК-нь  
комсоргтнэнь совещаниясонть лангс  
ливтезь, што Московонь Фрун-  
зенской, Сталинской ды Красно-  
пресненской районтнэсэ те шкас  
50% пионерской отрядтнэнь арасть  
вожатоест.

Комсомолонь ламо райкомтнэ  
сайнить ды аравтнить школатнес  
отрядонь вожатойть, но кандида-  
туратнень а согласовить шко-  
ласо ВЛКСМ-нь ЦК-нь комсоргт-  
нэнь марто, мейсэ самай калав-  
тыть ВЛКСМ-нь ЦК-нтэ кемекстазь  
положениянзо школасо ВЛКСМ-нь  
ЦК-нь комсомольской организато-  
ртнэнь роботадо.

Комсомолонь Фрунзинской рай-  
комсэ тейсэ возмунительной во-  
локита 45-це школантень вожа-  
тоень кочкамсто. Сентябрянь 3-це  
чистэ вожатоекс аравтызь Месте-  
цкой ялганть, сентябрьнэ 5-це чи-  
стэ полавтызь, сентябрьнэ 7-це  
чистэ максэ задание „Каучук“  
заводонь комитетэнь секретарен-  
тень кочкамс 45-це школантень  
вожатой, но эсист заданияст эзизь  
проверя, ды школасонть те шкас  
арась вожатой. Итэмо жо поло-

жениясь 14-це ды ламо лия шко-  
латнесэ.

Вожатоень кочкамсонть воло-  
китань теаманть кис аравтомс на  
вид ВЛКСМ-нь Фрунзенской РК-нь  
бюронтень ды меремс комсомо-  
лонь Фрунзенской райкомонтень  
сентябрьнэ 25-це чис прядомс рай-  
ононь весе отрядтнэза пионер-  
вожатоень кочкамонтень.

ВЛКСМ-нь Дзержинской райко-  
мосэ, апак вант 39-це школасо  
ВЛКСМ-нь ЦК-нь комсоргонтэ а  
мереманзо лангс, решась 39-це  
школасо отрядонь вожатоень Лит-  
вак ялганть ютавомс 17-це шко-  
лантень.

Школасо комсомольской органи-  
зациятнеде ВЛКСМ-нь ЦК-нь по-  
ложениянтэ калавтоманзо кис ба-  
шка жо вожатойтнэнь кочкамос-  
сост ды лия таркас аравтнемасост  
аравтомс на вид ВЛКСМ-нь Дзе-  
ржинской райкомонь бюронтень ды  
меремс ВЛКСМ-нь Дзержинской  
РК-нтэнь нейке жо велявомс от-  
рядонь вожатоень Литвак ялганть  
39-це школантень.

ВЛКСМ-нь ЦК-нь секретаресь  
С. САЛТАНОВ.

## УДЫЦЯ ВОЖАТОЙ

Чамзинка П. Маризь велесэнтэ  
начальной-ды аволь полной сред-  
ней школатнесэ ули покш пионер  
отряд. Отрядсонть 120 тонавтни-  
цят. Но сынст ютксо работа а ве-  
ти аволь ансяк комсомолонь орга-  
низациясь, но мик вожатоеськак  
Зотов Митя.

Пионертнэ овси а содавить ос-  
татка тонавтницятнэстэ. Сынст эйс-  
тэ конаськак а катли галстук. Пи-

онертнэ а содызь эсист обычаест,  
а содасызь зярдо СССР-сэ ушо-  
довсь деткомдвижениясь, кода зрить  
трудиянь эйкаштнэ капиталис-  
тэнь мастортнэза. Ды тонавтни-  
манть ушодомсто ды течень чис  
арасель отрядонь вейкеяк сбор.

Весе неть а сатыктнэнь лангс  
истяжо суронь пачк ваны школа-  
сонть комсоргось.

Т.

## Чумондомс Кабаевень!

САРАНСК Кизэнь каникулав туе-  
мадо икеле, Пединститутонь комс  
комитетэнь техсекретаресь Кабаев  
весе комсомолетнэнь кедьстэ пур-  
нынзе членской взностнэнь ды 100  
целковойтнэнь марто тусь канику-  
лав.

2 ковт ярмактнэ ульнестэ Кабае-  
вень зепсэ Макснзе ли неть яр-  
мактнэнь ней ды кодат мерат при-  
мась комитетэсь те „кассирэнтэ“  
марто?

В. ШТ.

## Франциянь комсомолось

Эшо овси аволь пек умок, ом-  
боце пель эли кавто иеде икеле.  
Франциянь комсомолось ульнестэ  
пек берянь состояниясэ. Союзонтэ  
истямо положениянтэ главнай при-  
чинакс ульнестэ се, што сонзэ ор-  
ганизациятне сезевезельть од ломан-  
нень массатне эйстэ. Мезекскак эсть  
лово од ломаньтнэнь интересэст  
кисэ эрва чинь бороцямонтэ органи-  
зизовамонь задачанть. Союзонтэ  
зыянозо ульнестэ сень эйсэ, што  
сонзэ ветясть истят ломанть, конат-  
нень арасель мелест ды эсть машто  
ветямс массовой робота. Партиянтэ  
лездамонзо марто эшо кавто иеде  
икеле комсомолонь руководствась  
ульнестэ одкстомтозь (полавтозь).  
Совхозонтэ руководствантень арав-  
тозельть лия, од ломанть. ЦК-анть  
секретарекс кочказель Раймон Тьюо  
ялгась, кона се шкастонть лиссь  
тюрьмасто, сонзэ содылизь Фран-  
циянь весе робочей од ломаньтне.

1934 иень январьстэнтэ ульнестэ  
Франциянь комсомолонть чрезвы-  
чайной с'езд, кона путсь ушодкс  
союзонтэ парсте касомантень. Ва-  
сенъе серьезной проверка комсо-  
молось ютавтсь 1934 иень февраль  
ковсто фашизманть каршо Фран-  
циянь робочей классонть покш  
бойтнэнь шкастонть. Комсомолось  
сестэ невтсь покш мужества бар-

рикадатнесэ, ульсь фашизманть  
каршо од ломаньтнэнь бороцямост  
привтокс. Неть виве бойтнесэ ке-  
мелгадсь робочей социалистической  
од ломаньтне марто комсомолонть  
единствась.

Февральской событиятнеде мейле,  
фашизманть каршо бороцямонь  
единой фронтонтень од ломань-  
тнэнь покш бажамост ловозь, Фран-  
циянь комсомолось маштсь полав-  
томс эсинзэ роботанзо формантень  
ды методтнэнь, муемс социалисти-  
ческой од ломанень массатненень  
молемань виде ки ды теемс пек  
серьезной успехт соцмолонть марто  
единой фронтонтэ аравтомасонть.  
Социалистической од ломанень  
весе таркань организациятне марто  
комсомолонь организациятне тейсть  
соглашения ве лувсо бороцямонть.  
Промкст, митингт, демонстрацият,  
массовой выступленияст ютав-  
нестэ вейсэ коммунистической ды  
социалистической од ломаньтне  
марто. Комсомолось маштсь прак-  
тикасо невтэмс социалистической  
од ломанень массатненень, што вей-  
сэнэ вийсэ можна теемс аволь аламо  
успехт од ломаньтнэнь требованияст  
кис ды сынст положениязт вадрыл-  
гавтомань кис бороцямонть. Алсе  
организациятнэстэ сазэь единой  
фронтонтэ успехтнэ максэсть возмож-

ность теемс пакт весе комсомолонть  
ды соцмолонть ютксо, сынст  
центральной комитетнэ ютксо вейс-  
сэнэ вийсэ бороцямонь пакт. Те  
панжсь од страница од ломаньтнэнь  
антифашистской движениянтэ касо-  
масонзо.

Но французской ялгатне эсть лотка  
теезь успехтнэ лангс. Сынть стясть  
од ломаньтнэнь вейсэнэ вийсэ  
бороцямонь единой фронтонтэ икеле  
пелев седеяк кемекстамонь ки лангс,  
те бороцямонтнэнь аволь ансяк соци-  
алистической од ломаньтнэнь, но  
истяжо лия эрва кодамо организа-  
циясо аштиця од ломаньтнэнь тар-  
гамонь ки лангс. А кола ульнестэ ве-  
енов кадомс сеть миллионт од ло-  
маньтнэнь, конат таргазельть бур-  
жуазиянтэ эрва кодамо организа-  
циясэ.

Народной антифашистской единой  
келей фронтонь задачась, конань  
аравтызе компартиясь вешсь ком-  
сомолонть пельде пурнамс народ-  
ной фронтонтэ миллионт од ло-  
маньтнэнь фашизманть каршо, вой-  
нанть каршо ды эсь интереснэнь  
ванстоманть кис бороцямонь. Комсо-  
молонь организациятне маштсь  
муемс од формат, од средстват, конат-  
не вельде сынть сюммовильть буржу-  
азной массовой организациянь од  
ломаньтне марто. Те кинть лангсо  
комсомолонть пек покш изнявксокс  
ашти, примеркс, светско-респуб-  
ликанской од ломанень организа-

## ВЕЛЬКОРОНЬ „СЕРМАТ“

### Кувать кармить наксалеме машинатне?

Кочкурово. Пакся Тавлань кол-  
хозонь васень бригаданть плугон-  
зо те шкас ерязть пакся куншка-  
ва.

Теде башка колхозонтэ сеялкан-  
зо, изамонзо, веялканзо ды лия  
машинатне апак пурна паро ла-  
паз алов.

Завхозсь Смольянов Ф. учи-  
сень, зярдо неть машинатне овси  
наксадыть.

Петров.

### Сюронтэ эйсэ а онкстнить

Кочкурово. Пакся Тавлань кол-  
хозонь клоповщикесь Игнатьев  
сюронь весе культуратнэнь утомс  
прими апак онкстне, мерасо.

Соды ли теде правлениясь?

Петров.

Кочкурово. „Якстере факел“  
колхозонь тиньге лангсто сюронтэ  
ускситэ апак онкста. Истя, при-  
меркс, сентябрьнэ 14-це чистэ ком-  
сомолетнэсь Кильдюшкин апак  
онкста усксэ ксавт.

Правлениясь нать стувтынзе  
150 центнертнэнь, конатне ме-  
лят юмсестэ апак онкста тиньге  
лангсто усксимадонть.

Абр.

### 13 од колхозт

Темниково. 1935-це иень январь-  
стэ сазэь сентябрьнэ 15-це чис  
районсонть организовасть 13 од  
колхозт. Неть колхозтнэс совастэ  
единоличникень 243 хозяйстват.

Теде башка теке жо шкантэ  
ютамс икелев уш организовазь  
колхозтнэнь совастэ единолични-  
кенъ 946 хозяйстват.

Единоличниктнэнь колхозс сова-  
мосонть покш лезкс тейсэ ансяк  
сынст ютксо массовой роботань  
ютавомась, сынст ютксо Сталинс-  
кой од вельхоз-установь толкова-  
мось.

Ефстаф.



## Ежонь маштомс... стулонь вешнема

Саранск. Пединститутонь лите-  
ратурань ды келень факультетнэсэ  
арасть аудиторият (тонавнемань  
кабинет). Остатка факультетнэнь  
аудиториятнэсэ жо малавгак а са-  
тнить стултнэ, доскатне, столтне  
ды лиатне).

Доскань аразь чиденть эрсекш-  
ныть истят тевтькак, знярдо лек-  
циянь ловномсто преподавателесэ  
доскантень сермады примерт, но  
переменасто сермадовкс марто се  
досканть кандсыз лия кабинетс  
(истямо тевть ульнесть Гобовонь  
уроксто).

Тедэ башка, сень кис, штобу  
переменасто оймавтомс эсь прясь,  
студентнэ ежонь маштомс вештнить  
оэмо таркат.

Месть жо дирекциясь тейнесэ  
сестэ, знярдо ветясь тонавнемань  
од иентень аноктамонть?

В. Штурма.

## Штраф антисанитариянтъ кис

ЧАМЗИНКА. Мокшалайсэ аволь  
полной средней школасонть аволь  
умок ульнесть медицинской осмотра.  
Комиссиясь школань киякстнэсэ  
свал рудазонть кис, стенатнэсэ  
чаньжавонь котстнэнь кис ды анти-  
санитариянь лия тевтнэнь кис ди-  
ректоронть ТРОШИНЭНЬ штрафо-  
визе 50 целковойс ды школанть  
100 целковойс.

СЯТКО.

## Арасть общежитият

Саранск. Эль юты цела ков, ко-  
да Пединститутонь историянь, ма-  
тематикань ды литературань фа-  
культетнэнь васень курсонь студен-  
тнэ эрять институтонь заласонть.

Комендантось эрва чистэ яла  
алтни тест од общежития, но те  
алтавксось те шкас апак анокта.

В. Штурма.

крупной фабрикантнэ сынст покш  
прибыльнэстэ соответствующей  
процентнэнь явтазь. Комсомолось  
аравтсь конкретной требованят.

Ламо сядо тышат комсомолест  
пек парсте вастызь комсомолонть  
требованьянзо, евтызь эсь мелест  
сонзэ тердеманть лангс, стятсьнеть  
требованьятнень тевс ютавтоманть  
кис активностэ бороцямонь ки  
лангс.

Меельсэ тевтне невтить, кода  
пек совась комсомолонь влияниязо  
од ломанень массатне юткс. Ю-  
лень 14-це чинтень аноктамонь  
теевкшнэсь од ломанень од пек  
келей массатнень виев ды кеме  
выступлениакс. Фашизманть ды  
войнанть каршо вейсэ бороцямонть  
кис Франциянь комсомолог чал-  
гась од ломанень массовой ор-  
ганизациятне марто сотрудничест-  
вань ки лангс, ды те лездась бо-  
роцямонть таргамс ламо тышат  
ды миллион од ломанть. Июльень  
14-це чинь демонстрациясонть уль-  
несть од ломанень пек ламо ды покш  
колоннат; демонстрировали комсомо-  
лось, соцмолось, советско-республи-  
канской од ломантьне, спортивной  
организациятне, университетнэнь анти  
фашистской фронтось ды ламо ке-  
мень лия массовой организацият.  
Васеньцеде вейс пурнавсть эрва  
кодамо политической направлениань  
од ломантьне ды кеме лавинасо сыр-  
гасть Парижень ульцятнева, эсь-

## Педтехникумонь общежитиятнэсэ

Минек главной задачанок ашти  
сень эйсэ, штобу невтес, кодамо  
условиясо эрять студентнэ. Весе-  
мезэ педтехникумонть 5 общежи-  
тиянзо, эрватасонть колмо ниле  
комнатат. Секс весе сынст кувалт  
а кода сермадомс. Сайдяно ансяк  
сех характерноенть. Секс, што ве-  
се общежитиятнэсэ тевесэ ашти  
истя жо, эли малав истя.

Сайсынек 5-це общежитиянтъ,  
ды сех характернойкс 3-це комна-  
танть.

Общежитиянтъ вальманзо икеле  
ды совамо кенгшенть лангсо ламо  
эрва кодамо навоз, рудаз, сор. Ве-  
се те невити, што тесэ скотинань  
кардаз. Зярдо кевкстят студент-  
нэнь, мекс а урялакшносызь, сынъ  
кортыть: минек штоли тевесэ, чей  
аволь ансяк минь тесэ эрятано...

Колмоце комнатасэ аволь пек  
покш. Сонзэ эйсэ 16 койкат, эрять  
16 ломанть. Сех ламо койкатне  
аштить рядсек-рядсек. Секс удомс-  
то эрва студентнэнь прязо ашти  
эсинзэ койка лангсо, келензэ ды  
пильгензэ венстезь ялганзо койка  
лангс. Кой-конат жо удсить кутмо-  
рязь. Прок вейке покш крават  
лангсо.

Комнатанть кавто енга койкатне  
истя аравтнезь, што весе комна-  
танть эзга кадовозь ансяк пель-  
метрань келесэ ютамо тарка. Ис-  
тямо тесна, седе а ков. Бути юта-  
сто вастыть кавто студент карадо  
каршо, то омбоцентень сави кой-  
ка лангс куземс, ато а кельгить.  
Койка юткс аштить кавто а покш  
стольть, конатне лангсо могут ро-  
ботамс ансяк кавксошка ломанть.  
Лиятне жо урок тонавтуть койка  
лангсо. Озамс овси а козонь. Ве-  
се комнатасонть арась вейкеяк  
стул эли скамийа. Бути-сови ком-  
натанть кияк, то сонейзэ сави  
озамс койка лангс.

Аволь чуросто те комнатасонть  
эриятне ютко шкастост пинжак  
со картузсо, карсезь аштить мадезь  
таркаст лангсо. Весе ацамо пелесэ  
(матрасось, одеяласэ, тодовось)  
каргодсть, пулевть. Простынятне  
пек рудазовт, сынст вестьяк эщо  
эзизь полавтне. Наволочкат овси

кельдась народной фронтов истя-  
мо лозунг марто: „Робота од ро-  
бочейтненень!“, „Минь арситяно  
эрямо, эрви тенек мир, оля-чи,  
кши!“ Политической лозунгнэ по-  
ладовсть конкретной требованьятне  
марто. Ламо сядо тышат од труди-  
цят сеересть лозунгт Советэнь сою-  
зонь честьс. Те ульнесть француз-  
ской народонть ды сонзэ трудица  
од поколениянтъ пек покш демон-  
страция, кона (од поколениясь)  
анок пек покш жертвас, штобу ма-  
штомс фашизмань эцемань угро-  
занть.

Июлень 14-це чинь выступлени-  
ятне невтизь, што французской од  
ломантьне лангс фашизманть влия-  
ниязо удалась а нолдамс ды што  
комсомолось пек лездась партиан-  
тень сень эйсэ, што народной анти-  
фашистской фронтонтень таргась  
од ломанень покш массат. Фран-  
циянь комсомолонть икеле панжозь  
пек покш перспективат робочей,  
трудица од ломаньтнень единст-  
ванть теемань тевсэнтъ. Те кинть  
лангсо теезь ули васеньце, ламонь  
алтница успехт. Франциянь опытэсь  
невти КИМ-енть границань томбале  
весе секциятнень, кода сынест эря-  
ви роботамс ды бороцямс, штобу  
теемс комсомолось трудица од ло-  
маньтнень аллуксонь массовой ре-  
волюционной организациякс.

арасть. Студентнэ ацамо-пельксэнтъ  
(постелентъ) ушов свежакстомань,  
пулень сорновтнеманть кис а лив-  
тнесызь.

Весе комнатасонть одижань пон-  
гавтнема таркат арасть. Секс эр-  
ва студентэсь эсь одижанзо кирди  
тодов ало. Тодов ало эли кой-  
ка пелсэ кирдить нардомосткак.  
Кой-кона студентнэ тонавнеманть  
ушодовомало мейле эщо вестьяк  
эсть яка банья, кой-конат жо  
явасть ансяк весть.

Комнатасонть пачк чопода, секс,  
што тосо нургить ансяк кавто а  
покшке электролампочкат.

Вальматне лангсо улитъ пужозь  
цветкат, весе вельтазь пульсэ. Валь-  
ма лангтнэ весе пулевть. Тува ерт-  
незь аштить книгат, тетрадьт, са-  
понть, пеень урядамо щеткат, по-  
рошкат ды лият месть. Тумбоч-  
катне кой-конат а маштовить. Ма-  
лав весемест эйсэ арась кодамоак  
порядка.

5-це общежитиясонть 3 комнатат.  
Весемест эйсэ эрять малав сядош-  
ка ломанть. Ды весемест туртов  
ули ансяк вейке шлямо тарка.  
Секс а месть эрсемскак парсте  
шлякшномадо. Капшазь, аля яла  
кодак. Пейть урядакшныть чуро-  
сто.

Кудыкеле ули ведень кирдема  
тарка. Кода тесэ, истя жо лия  
общежитиятнэсэ симемс ведентъ а  
лакавтнить.

Коматанть совамодо икеле  
пильгенъ урядамо тарка арась.  
Весе рудазов пильгсэ совить ком-  
натав, секс кияксось куток рудаз-  
гады. Тенцемстэ кепедеви покш  
пуль, весе сон озы одеялатне ды  
тодовтнэ лангс. Комнатасонть а  
паро чине.

Ламо эщо койместь можналь бу  
сермадомс. Ды весе, мезэ иля сави,  
кортыть седе, што педтехникумонь  
студентнэ эрять пек берянь усло-  
виясо. Кодамоак культура арась.

Лия общежитиятнэсэ жо вейке

койка лангсо улитъ кавтонь-кав-  
тонь ломанть (примеркс, коймоце  
общежитиянь 6-це, 5-це 2-це, ком-  
нататнэсэ, омбоце общежитиянь  
6-це комнатасонть).

Колмоце общежитиянь 2-це ком-  
натасонть, косо эрять 28 тейерь-  
кат, ансяк-вейке столь, секс се-  
едьстэ савкшны севномс, эрва-  
тась бажи озамс уроконь тонав-  
томо, сермадомо, но а кельгить. Сех  
ламотненень савкшны мадемс кой-  
ка лангс ды тосо кодак мезеяк  
теемс.

Весе общежитиятнэсэ весе ком-  
нататнэсэ арасть минек вождыт-  
ненъ партретэст, арась вейкеяк ло-  
зунг, плакат. Косояк арась зеркала.  
Вейке комнатасояк арась радио.  
Весе студентнэ ютксэ улитъ ансяк  
колмо-ниле музыкальной инстру-  
мент. Кодамоак культурной разв-  
лечения арась.

Пек аламо студент ловныть га-  
зетат, секс, што общежитиятнэсэ а  
получить. Учебниктнэде башка ды  
программань коряс эрявикс произ-  
ведениятнеде башка весе студентнэ  
овси а ловнокшныть политической  
ды художественной литература.

Тесэ жо сави меремс, што пед-  
техникумсо эщо эзь ушодово по-  
литтонавнемасэ.

Общежитиятнэсэ а бороцить  
ютко шканть, оймсема читненъ  
парсте, мазыйстэ, весиласто ютав-  
томанть кис. Эрвась теи эсь кой-  
сэнзэ.

Весе тедэ соды педтехникумонь  
директос ды комсомолонь ко-  
митетэсь. А берянь, што сон се-  
едьстэ яки студентнэненъ, кортни  
мартост. Но эщо седеяк паро уле-  
вель, бути Моисеев ялгась прима-  
воль эрявикс мерат студентнэнь  
условияст вадрялгавтоманть кис.  
Васень шкастонтъ теемс коть  
сень, мезе можна, теемс общежи-  
тиятнэсэ ды студентнэ ютксэ эря-  
викс порядка, культура.

Е. Пятаев.

## Вейке комнатадо

Медтехникумонь студенткатнень  
общежитияс эрямо совамсто, ди-  
ректорось мерсь:

— Вана мезе тейтерть: коть аво-  
лиде кармак кутморьямо вейкенк-  
вейкенк, но тень теемс сави.  
Лиякс тевентъ теемс а кода.

Истя лисьяк. Студенткатнень  
коть арасельгак мелест удемс вей-  
ке койка лангсо кавтонь-кавтонь.  
Но директоронть мереманзо коряс  
савсь удемс односпальной койка  
лангсо кавтонь-кавтонь ломань ды  
тонавнемань перть весе ветненъ  
ютавтомсто кутморьямс вейкест-вей-  
кест эйсэ (секс, што койкатне пек  
теинетъ, лиякс аллукс а кода те-  
емс).

Минь ай арситяно сермадомс об-  
щежитиянь весе комнататнеде,  
секс, што сынъ весе вейкедьстэ  
эцезть тонавтниязо, но примерэнь  
кис сайсынек васень номер ком-  
натанть.

Комнатасэ аволь пек покш. Эй-  
сэнзэ малав (коштонь) 12 кубомет-  
рат. Те комнатанть сехте ламо  
эряволь бу ладямс 4—5 койкат. Но  
эйсэнзэ, аллукс; пецек-пецек лад-  
сезь 8 койкат. Ды сынст лангсо  
удсекшныть мик 16 студенткат, эли  
2 студенткат, вейке койкасо.

Тедэ башка, комнатасонть улитъ  
ниле тумбочкат (шкафикень кон-  
дья), 3 табуреткат, 5 крючка мар-  
то вейке вешалка ды койкатнень  
ало кемготовошкато ламо сундук-  
кест ды чемошаност.

Пек весе кенярдыть сенень, што-  
бу комнатасонть улелелеть седе  
ламо стулт, стольть ды лия ме-

бель, но а козонь сынст аравтнемс.  
Лиясто жо сынъ сынсь отказыва-  
те мебельдентъ.

Комнатанть куншкава ашти тея-  
нине тропине. Остатка таркась жо  
занязь койкасо. Стенатнэсэ стака  
муемс чаво тарка. Сынст эзга пон-  
гавтнезь одижат, платият, коф-  
тынеть ды лия оршамо пельть. Пон-  
гавтнематнень асатомаст марто,  
оиджань кирдеме кармавтызь мик  
галакнань турбань пекстница зад-  
вижкантькак. Сонзэ эйсэяк нурги  
пальта.

Кенгшентъ крайсэ аштиця кой-  
кагь, сехте бедной. Оонзэ мик  
арась тумбочказояк. Секскак, тум-  
бочкань таркас, койканть бокасо  
аравтозь табуретка, конань лангсо  
путозь сундукке.

Табуреткань трокскетнень эзга  
путозь доскидентъ, лангсо путозь  
пеень урядамо порошка, чамань  
шлямо сапунь ды доскидентъ ало  
валяи пеень урядамо щеткине. Се-  
ске жо, се „гордирибкентъ“ вакс  
студенткатне кайсекшнесызь эсис-  
т рудазов колошаст ды туфляст.

Вальма-лангтнэ истяжо пешк-  
сезь эрва мезьде. Тосо сапуньяк,  
чапамо ловсо марто графинаткак,  
цукаткак ды лия вештинеть.

— Форточканок арась. Сонзэ  
таркас зярс панчнетяно вальмат-  
нэсэ. Знярдо жо сы телесэ—сестэ  
карматано панчнеме кенгшентъ—  
кортыть велес культурань кандый  
техникумонь сышкань од медич-  
катне, культукас ламо крестья-  
нонь тонавтыця студенткатне.

А. Мартынов.



## Сехте вадрытне молить краевой с'ездэв

Темниковань районсь колхоз-ник-ударникень омбоце с'ездэнтень кучи делегат вете велень колхозсто, конат роботыть сех парсте топавтыть весе хозяйственно-политической компаниятень.

Стрельникова, Пишляй, Пичипологова, Куриловань, Л. Цыбаевка велень колхозтне с'ездэнтень кучить эсист сех паро роботыцят.

Ваиа Курилова велень колхозникень вейсэн промксось ве мельсэ кочкизе с'ездэв делегатокс Самушкин ялганть Сон парторг. Парсте аравтызе партийной, массово политической роботанть, сон маштсь парсте организовамс сюронь урядамо шкастонть весе вийтнень, секе шкастонзо ды вадря качества марто колхозось прыдызе сюронь урядомонть, шкадо икеле топавтызь госу-дарстванть икеле весе обязательстватнень.

Пичипологовань колхозниктне кучсызь делегатокс Ведяйкин комсомолецтень.

Истяжо сех парт кучить с'ездэнтень делегатокс лия колхозтнеяк Ефстаф.

## Наумов—с'ездэнь делегат

Ардатово. Наумов комсомолецсь роботы Ардатовской МТС нь тракторной отрядонь бригадирекс.

Роботамонь норматнень паро качествань коряс велькска топавтнемас кис ды горючеень экономиянть кис сонзэ бригадась цела пель ие кирди МТС-нтэ якстере знамянзо эсь кецсэнтэ.

Наумов аволь умок совась партиянтень сочувствующейкс. Колхозниктне сонзэ кочкизь колхозник-ударникоь 2-це с'ездэнь делегатокс.

А. Фомин.

## ГРАНИЦАНЬ ТОМБАЛЕ

# Женевской спортнэ ды мирэнь кис бороцямось

Меельсэ кеветее читнестэ кода Нациянь Лигасонть, истя жо сонзэ кулисане удало, молить се тупикстэнт лисема кинь вешнема, конанень (тупикентень) понгсь европейской державатне Абиссиниядэнтэ вопросстонть Италиянть ды Англиянть ютксо конфликтэнтэ кувалт. Италиянь правительствась грозясь, што бути нациянь Лигась карми молеме Африкантень Италиянть притензиянзо каршо, сестэ сон, Италиясь, лиси Лигастонть. Но те эськельксэнтэ шожда седысь Италиясь а тейсы. Нациянь Лиганть эйстэтуемась Италиянтень ули политической допроконь изоляциякс. Бути ней Италиясь селгадсть Англиянть марто, ды Франциянь правительствась снарни улемс сынст ютксо посредникекс ды примирителекс, то Лигастонть Италиянть туемазо кармавты Франциянть ютамс анти-итальянской лагерьс.

Тень лангс атак вано Италиясь кирди а мирямонь политиканзо, сонь кеми сень лангс, што германской угрозанть эйстэ пелезь Франциясь пек казямосто а сти Италиянть каршо. Англиясь жо пугы весе виензэ сенень, штобу Франциянть таргамс эсинзэ енов, алтнн што карми Франциянтень лездемо европейской икеле-пелень конфликтнестэ. Секс пек интереснойть лия мастор марто темень ветямонь Англиянть министрэнть Хоронь ды Франциянь правительствань прывтонть Лавалень Женевасо Нациянь Лигань заседаниясо кортамост.

Хор мерсь, што Англиясь кеместэ карми лездемо Нациянь Лиганть ды карми тевс ютавтомо весе сеть обязанностьнень, конат эрзавить теэмс Лигань уставонть коряс.

Сон сех пек тешкстызе сень, што Англиясь ашти вернойкс коллективной безопасностень принципентень. Хор мерсь, што Англиясь анок ванкшномс вопросось колоннальной сырьань источникнэде, коли Италиясь пеняци, што сон обижазь тень кувалт. Но те явшемась эрзави теэмс аволь военной насилиянь средствасо, но кортнемань коряс.

Франциянь газетатне пек кеместэ тешкстыть, што Хоронь кортамосонзо улисть истят ноткат, конат овси а молить се политикантень, конань Англиясь ветясь те шкас. Тешкас Англиясь овси аволь истя пек ванстась Лига Нациянь прыватнень ды коллективной безопасностень. Примеркс, зардо Япониясь захватизе Манчжуриянть эли зардо сонсь Англиясь тейсь морской договор Германиянть марто, сон, Англиясь, мезекскак эзь лово Лигань члентнень интересэст. Бути жо ней Англиясь полавты эсинзэ политической установканзо, то тень эрзави ансяк щнамс.

Малав истя жо кортась Франциянь правительстванть прывтось Лаваль Хоронь кортамонзо каршо ответсэнтэ. Лаваль мерсь, што Франциясь, кона эрзави зардо аштесь нациянь Лиганть принципэнзэ кис, сон может ансяк щнамс Англиянть политика-сонзо поворотонть. Но яли теке Франциянтень а кода отказамс Англиянть ды Италиянть ютксо посредникень ролентэ эйстэ. Лаваль арси, што лисема ки ули муезь Италиянть лангс воздействиянть казямо мерань примамовтомояк.

Сех виде позиция сайсь Литвинов ялгась, кона кортась эрзави кодамо войнань каршо ды лавшо народтне лангсо эрзави кодамо на-

силиятне каршо, весе сень лангс атак вано, кодамо тувталонь коряс бу неть насилиятне авольть теэве.

Нациянь Лигань пленумсонть эсь кортамосонзо Литвиной ялгась мерсь: „Советэнь правительствась принципиально беряньстэ ваны колониянь политиканть лангс, влияниянь сферань политиканть лангс ды весе сень лангс, конань ули отношениязо империалистической цельтнень. Советской делегациянть икеле ашти ансяк Нациянь Лиганть уставонзо прок мирэнь орудиянть ванстомань вопрос... Мон арсян кемевтемс тынк, што монь государствась весемень коряс аволь седе беряньстэ лояльно топавтсынзэ эсь лангосонзо саезь весе масторлангонь обязательстванень, сех пек, зардо кортамось моли весе народтнень мирэнь теемадонть“. Те корты, што Советэнь Союзось лездэ эрзави мероприятиянтень, кона человечестванть менстасы войнань ужастнэ эйстэ, ды эрзави масторонтень, кона котэ эсинзэ интересэнзэ кис анок бороцямс мирэнь кис.

(„К. П.“).

## Почтовой ракета

Франция. Неть читнестэ ули теэзэ Кале ды Дувро оштнэ ютксо почтовой ракетань испытания. Ракетанть срезэ метра 75 сантиметрат ды келезэ 50 сантиметрат. Эйзэнзэ кельгить малав 1.200 сермат. Изобретатель Коле-Дувар мерсь, што ракетась 30 вайгельпегнень, конат явить Англиянть ды Франциянть, сон те ютконтэ ютасы вейке минутоде седе курок. Кале-Дувар истяжо мерсь, што бути ответсь удалы, сон аноксты оп ракета, кона кемень минутас может парижской почтанть пачтамс Лондонсь.

(„Известия“).

## Митингт ды промкст

Франциянь ды Англиянть эрзави кодамо ошсо улынестэ конференцият ды промкст; конат посвященнойть коминтернань 7-це конгрессэнтень. Англиясо неть конференциятнестэ истя жо покш участия примасть независимой рабочей партиянь члентнэ, кой кона лейбористнэ ды профсоюзной делегатнэ.

## Студентнэ бороцить университетэнтэ пекстамонзо каршо

Мексико ошсонть 300 студент захватясть университет. Студентнэ эсть лисне университетэнь зданиястонть, сынь мольтэ сень каршо, што властне грозясь пекстамс университетэнтэ. Студентнэ вешить университетской уставонть реформа.

## Англиянь профсоюзтнэнь с'ездэсь панжовсь

Сентябрянь 12-це чистэ панжовсь Англиянь профсоюзтнэнь 67-це с'ездэсь, с'ездэнтэ панжомето Кин председателесь эсинзэ валсонзэ Советэнь Союзонть нациянь Лигасо вомо, являвтысь, „мон арсян, што минь можем ловомс тень, прок вейке пек виев факторокс, кона моли международной фашизманть каршо“.

Ответ. редакторось М. ЛЮПАЕВ.

## СОВЕТЭНЬ СОЮЗГА

### К. Э. ЦИОЛКОВСКОЕНЬ СЭРЕДЕМАЗО

Сентябрянь васень читнесэ Калуга ошсо ормалгадсь умоконь ученось, орденоносецсь Константин Эдуардович Циолковский. Сентябрь 8-це чистэнтэ сон пачтезель Калугань чугунокань ки лангонь больницяв. Тов Московсто самолетсо ливтясь Смирнов ды Плотников профессортнэ, конат сентябрь 8-це чистэнтэ 23 чассто 12 минутасто Циолковский ялгатнень тейсть желудкань операция. Операциясь теэвсь парсте ды сэредиянть седеезьяк кармакшнось седе парсте роботамо.

Седе майле, сентябрь 10-11-це читнестэ Циолковской ялганть шумбра-чизэ икелень коряс беряньгадсь. Кармась улеме седеень перебойть, эзь моле ярсамо. Покшолгадсь температуразо, пульсазо минутанть чавиль 80-85 ды мик 90 разт.

Сентябрянь 13-14-15-це читнестэ Циолковской ялганть шумбра-чизэ кармась седе вадрылгадамо, температурнзо нормальной, седеезэ роботась котэ лавшосто, но перебойстеме.

Калугасто меельсэ кулятне кортыть седе, што К. Э. Циолковской ялганть шумбра-чизэ седеяк пек беряньгадсь, общей лавшо-чизэ ды тоштялгадамась седеяк пек кассь. Беряньстэ улы, кармась козюмо. Пульсонзо 84-90—лавшо на полнениань, шкань-шкань эрять перебойть. Сознаниязо икеле ладсо паро. Меельсэ бюллетенесь сэредиянть шумбра-чинзэ лови „пек стакакс“.

## ГИДРОВЕЛОСИПЕД

Велосипедэсь уи ведьга. Сон велаятсь педалентэ эйсэ, но колесатне эсть чара. Велосипедэсь уйсь, сон тейсь нярья поворотт ды ютась леентэ куншкасо сэдентэ алга.

Весе те улынестэ сентябрь 9-це чистэ чокшне Москов-лейс Горькой лемсэ парконть икеле, косо улынестэ „гидровелосипедэнтэ“ васень испытаниясь, конань теизе Блювсов ялгась.

„Гидровелосипедэнтэ“ конструкциязо аволь пек сложной. Обычной велосипедэнтень кемекставить кав-

то резиновой баллонт, насосопувазь. Передачань цепесь сайневати. Педалентэ чаравтозь велосипедэсь кармавты молеме мендевица тылкадиця винтэнтэ, кона ашти ведентэ ало баллонтнэнь ютксо. „Гидровелосипедэсь“ развивает скоростензэ 10 километрат час сонзэ оборудованиязо сталмозо 6 кг. ды изобретателентень стясь весемезэ 50 целковойть.

Осводонь представительтне, осовахиимень ды физкультурань институтось макссть „гидровелосипедтэ“ сех паро отзывт.

(«Веч. Москва»).

## ШЕКОЛАДНОЙ ЧУВТО

Ленинградонь ботанической садсонть парсте касы шеколадной чувто. Сон 75 иеде икеле ускозель, вишкинелъ, тензэ улынестэ ансяк вейке ие те шкас жо касты покш, ладурман (келей) чувтокс. Котоде ие уш те шеколадной чувтось максы истят веществат, ко-

натнень обработкдонть майле лисить пек тантей шеколад. Те чувтонть эйстэ кастазь уш 500 од куст, конатнень Ленинградсто кучтнить союзонь весе южной ботанической садтнэненъ.

(„Красная газета“).

## Нармуньтне кандлить сермат

Вологда. Те иестэнтэ вологодской колхозтне васеньседе тейсть голубкань почта.

Неть нармуньтне 12-15 минутас кандлить Вологдав, Горзов ды МТС-эв срочной корреспонденция. Кой кона голубкатне тонавтозь кавто ендэ почтань кандтлеме; голубкась депешанть аволь ансяк пачтысь Вологдав, но истя жо мекев сы ответ марто колхозов. „Сдвиг“

„Путь Ленина“ ды „Северная зоря“ колхозтнэсэ голубкатнень вельде колхозонь правлениятне кирдить эрзави шкань связь бригадатнень, васоло таркасо роботыцятнень марто.

(„К. П.“)